



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

VI. Markgraf Otto schenkt am Tage der Einweihung des Domes zu Havelberg dem Bisthume und Kapitel daselbst die Dörfer Dalchau und Drusedow, sowie die Hälfte des Dorfes Losse, im Jahre 1170.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

VI. Markgraf Otto schenkt am Tage der Einweihung des Domes zu Havelberg dem Bisthume und Kapitel daselbst die Dörfer Dalchau und Drusedow, sowie die Hälfte des Dorfes Loffe, im Jahre 1170.

In nomine patris et filii et spiritus sancti. Ego Otto brandenburgensis marchio. Quia divina nos clementia paternis patrimoniis locupletare, et mundana excellentia sublimare dignata est honorare, dignum et justum omnino iudicamus, ut super hiis omnibus celitus nobis indultis beneficiis deo gratias agentes, ipsum vicissim, quantum in nobis est, honoremus, et honori illius promovendo omne, quod vel actu vel intellectu eniti possumus, devote impendamus. Vnde nos cum patre nostro, marchione Adelberto, in instauratione havelbergensis Episcopatus domino Anshelmo, itemque domino Waloni, reverendis ibidem Episcopis, benivole fauimus ac sedulo cooperati sumus, qui nimirum episcopatus larga quondam imperatorum munificentia magnifice satis dotatus fuerat, sed a barbaris oppressus tandem et convulsus iam pene nullus erat. Nos itaque dedicatione matris Ecclesie de sumtibus nostris solemniter administrata parum esse reputauimus, si sua solum ecclesie a piis imperatoribus collata restitueremus, que a sacrilegis ablata fuerant, nisi et ea de nostris beneficiis amplificarem; ideoque antique illius doti de patrimonio nostro villas superaddimus, quarum hec nomina sunt: Dalekowe et Drusedowe, dimidietatem quoque ville, que Loffe dicitur, Porro uilla (uillam?) Dalekowe domino Waloni havelbergensi episcopo, amabili nobis patri, ejusque universis successoribus in jus et usum perpetue possessionis specialiter assignauimus. Drusedowe, vero ad prebendam fratrum, et dimidiam partem Loffe in hospitale ad elemosinas pauperum deputauimus, quatenus ipsi pariter pro nobis intercedant ad dominum, orentque nihilominus pro animabus parentum nostrorum, hoc est, marchionis alberti, et sophie matris nostre, nec non Judithe dilecte nostre conjugis, simulque fratrum et sororum, et quorumlibet proximorum nostrorum. Sicut ergo censum colonorum de predictis villis, ita et seruitia pariterque petitiones publicas, seu quascunque secundum morem exactiones domino episcopo deinceps ac fratribus, et in eorum hospitali pauperibus, ex integro donamus, et sigilli nostri appensione confirmamus, excepto quod, quando provinciale castrum munitur, ipsi simul cum provincialibus munere (munire?) iuuabunt, et ad defensionem patrie cum populo terre colonos suos transmittent. Quicquid etiam iuris aut seruitii in tribus domibus vel villis eiusdem ecclesie, withemore uidelicet, Clodene, et burftele, ratione advocacie vel bonorum in marchia nostra sitorum habere possemus, prompta deuotione deo, et perpetue uirgini Marie offerimus, et iam dictis fratribus assignamus et integraliter remittimus. De redditibus quoque nostris, quos nobis Hollandigene, super ripam albis positi, rite perfoluunt, adicimus predictae donationi annuatim quinquaginta solidos ad luminaria Ecclesie comparanda, et tecta reparanda. Hoc itaque modis omnibus diffinimus, ut nullus alioquin episcoporum uilla (uillam?) Dalekowe ulli hominum in beneficio prestet, aut alio aliquo modo ab episcopalibus usibus alienet, quin potius desideramus, dum nostre pietatis beneficio participat, ut piam nostri recordationem episcopus ipse habere non despiciat, clericisque singulis et ecclesiis sibi subjectis habendam et agendam commendare satagat. Si quis igitur hanc donationem nostram ausu temerario cassare tentaverit, reus domino deo omnipotenti, reus domino imperatori, reus nihilominus et nobis nostrisque successoribus existat, et omnibus bonis detestabilis fiat, persequatur quoque illum et percellat tam diu divina pariter ac humana ulcio, donec vel digna satisfactione respiscat, vel hic et in eternum internicioni subiaceat. Huius autem nostre donationis et actionis testes sunt dominus meus Wichmannus Magdeburgensis Archiepiscopus, Walo Havelbergensis, Wilmarus Brandenburgensis, Geringus Misnensis, Evermodus, Raceburgensis Episcopi, quorum ministerio dedicata est Havelbergensis ecclesia, Rodgerus Major Pre-

positus Magdeburgensis, Hubertus Havelbergenſis, Sifridus de Jericho Prepoſiti cum ſuis Conventibus, Guntherus de gracia dei, Reinherus de Liezika Prepoſiti. De laicis vero primus pater noſter adelbertus marchio, cuius ſtudio et conſilio hoc opus noſtre devocionis inchoatum et confummatum preſenti ſcripto ſigillo noſtro ſubter appenſo Eccleſie jam dicte confirmamus; teſtes quoque fratres noſtri Bernhardus comes de aſchersleue, Theodoricus comes de werbene, Hermannus de Orlamunde, Wernerus comes de Oſterburch et Albertus filius eius, Bedericus burchgravius de brandenburch et Sifridus filius eius. Conradus de witin, Richardus de Alesleue, Rodolphus et Heinricus fratres de Jericho, et alii quam plures. Acta ſunt hec Havelberg die primo conſecrationis eccleſie anno dominice incarnationis M^o. C^o. LXX^o. Epacta P. Concurrente III^a. Iuditione III^a.

Nach dem Copiarlo Havelbergene des Geſ. Kab. Archives fol. 10. Geſterhaft abgedruckt bei Buchholz a. a. D. S. 13 — 15. und Küſter Opusculor. Collect. XVI, S. 104.

VII. Kaiſer Friedrichs Beſtätigung des Biſthumes Havelberg, vom Jahre 1179.

In nomine ſancte et indiuidue trinitatis. Fredericus diuina fauente clemencia Romanorum Imperator et ſemper Auguſtus. Pro racione debiti, quo ex adminiſtracione imperialis celſitudinis omnipotenti deo tenemur, et pro ſpe bonorum eternorum opere pretium arbitrati ſumus inſtaurende et conſeruande havelbergenſi eccleſie diligentem curam impendere, eamque in Jure ſuo domino annuente jugiter inconuulſam manutenerere. Proinde ipſam havelbergenſem eccleſiam, ab anteceſſore noſtro pye memorie Ottone Magno Imperatore in honore ſancte dei genitricis Marie fundatam et poſtea gentilium errore et incurſu nimis deſolatam in noſtram tuicionem ſpeciali deſenſione ſuſcipimus et venerabilem ejuſdem eccleſie epiſcopum hubertum, qui ad reedificationem et reſtaurationem ſue eccleſie feruentiſſime laborat, pyo ſtudio adiuuare uolumus, quia eum et religione deuotum et in noſtra ac Imperii fidelitate firmum et ſtabilem experti ſumus. Prefatam itaque eccleſiam preſenti priuilegio communimus, confirmantes ei quiquid anteceſſores noſtri tres uidelicet Ottones et henricus ſecundus necnon Conradus rex contulerunt. Hoc eſt, havelbergenſis ciuitatis medietatem cum omni jure et ejuſdem burgwardi medietatem cum omnibus uilitatibus ſuis; in prouincia zemzizi, In comitatu werenzonis comitis, duas villas In Mellinga Bum Drogawizi et dimidium ſilue, que dicitur Poregi, cum uillis ex ea uel in ea cultis, In prouincia liezizi Merienburg, que et Cobelize dicitur, cum hiis uillis Priecipini, Rozmoc, Podetal, Cotim, verſewitz, Nieukerim, Malizi, Melcowe, znirdika, Rabum, Priecipim, Jadim; In prouincia Miutga in comitatu autem Werenzonis XXX manſos in hiis uillis Minteshufen, hagerſten, Cythim, Aekeſtun; In uilla que dicitur Robele VI manſos; In prato, quod uulgo dicitur wiſeh, V manſos; In prouincia Nielitizi Nizowe ciuitatem cum toto Burgwardo; In eadem autem prouincia legalem decimationem vna cum illius, quod ad nos pertinet, tributi decimacione; In prouincia Chome plottim ciuitatem totam cum omni Burgwardo; In prouincia Deffere wizoka ciuitatem cum toto burgwardo et vnam villam Tadenthorpp; In prouincia linagga Potluſtin ciuitatem cum toto Burgwardo et decimam iſtarum prouinciarum hoc eſt zemzizi, liezizi, Nielitizi, defferi, Morizi et decimam tributi, quod nobis ſoluitur de Radwere, et decimam tocius tributi, quod nobis de inferiori marcha ſoluetur. Et quum prenominate ciuitates et ville ſepe irruentibus paganis deuaſtate ſunt et depopulate adeo, ut uel nullo